

Ա. Բ. ՄՈՇԿԱԿԱՆՅԱՆ

ՍՈՎԵՏԱԿԱՆ ԲԱՆԱԿԻ ՄՂԱԾ ՄԱՐՏԵՐԸ ՃԱՊՈՆԱԿԱՆ ԶԱՎԹԻՉՆԵՐԻ ԴԵՍ
ԵՎ ՀԱՅ ՌԱԶՄԻԿՆԵՐԻ ՄԱՍՆԱԿՑՈՒԹՅՈՒՆՆ ԱՅԴ ՄԱՐՏԵՐԻՆ

Եվրոպայում իր աղատագրական միսիան կատարելուց և դերմանա-
ֆաշիստական զավթիչներին ջախջախելուց հետո Սովետական բանակները
գեներ շուտ տվեցին ընդդեմ ճապոնական իմպերիալիզմի, որը սովետական
ժողովրդի և առաջավոր մարդկության նույնպիսի ռիսկերի թշնամի էր,
ինչպես գերմանական իմպերիալիզմը։ Ճապոնական իմպերիալիստներն
անթիվ, անհամար ֆնասներ են պատճառել մեր հայրենիքի ժողովուրդներ-
ին և Արևելքի գաղութային ու կախյալ երկրների աշխատավորներին։

Այդ նրանք, ճապոնական իմպերիալիստները, օգտագործեցին ցարա-
կան կառավարության թուլությունը և 1904 թվականին Ռուսաստանից
զավթեցին Հարավային Սախալինը, հաստատվեցին Կուրիլյան կղզիներում,
փակեցին Ղեպի խաղաղ օվկիանոս Ռուսաստանի դուրս գալու ելքը։

Ճապոնական իմպերիալիստները ավելի մեծ կատաղությամբ լցվեցին
դեպի մեր երկիրը, երբ 1917 թ. Հոկտեմբերյան սոցիալիստական Մեծ ու-
ժլուցիայի միջոցով տապալվեց կապիտալիստների իշխանությունը և հաս-
տատվեց սովետական իշխանությունը։

Ճապոնական իմպերիալիզմի իդեոլոգիան սամուրայների իդեոլոգիան
է։ Ինչ էին ներկայացնում իրենցից սամուրայները։ Ճապոնիայում սա-
մուրայները նույնն էին, ինչ որ ֆաշիստները Գերմանիայում և ուրիշ
երկրներում։ Սամուրայները Ճապոնիայում ստեղծեցին շատ սեհաբյուրա-
կային կազմակերպություններ, ինչպես, օրինակ, «Բուկուրյուկայ»-ը («Սև
դրակոն»), որը հանդիսանում էր ճապոնական իմպերիալիզմի զավթողա-
կան քաղաքականության ակտիվ կիրառողը, լրանալիս կազմակերպողը,
հարևան երկրները պրովոկատորներ ու դիվերսանտներ ուղարկողը։ Այդ
կազմակերպությունը երկրի քաղաքական, զինվորական և ներքին տնտե-
սական ամբողջ ղեկավարությունն իր ձեռքն էր վերցրել¹։

«Սև դրակոն» կազմակերպությունը ճապոնական բանակի ու նավա-
տորմի զինվորներին և երիտասարդությանը տասնյակ տարիներ դաստիա-
րակում էր, այսպես կոչված, «սամուրայի պատվի օրենքով»։ Այդ «կոդեք-
սը» ճապոնացիներն անվանում են նաև «բուսիդո» (կամ «սամուրայների
արահեա», «պատերազմի ճանապարհ»)։

Ճապոնական իմպերիալիստների ավազակային զաղափարախոսությու-
նը պնդում էր, թե, չլինելով աստվածային ժողովուրդ, ճապոնացիներն
աշխարհի բոլոր ժողովուրդների մեջ հանդիսանում են «ընտրյալների ժո-
ղովուրդ», որը կոչված է իրագործելու «Սինտո» կրոնի սկզբունքները²։

¹ „Красная Звезда“, 1943 թ., օգոստոսի 30։

² „Красная Звезда“, 1945 թ., օգոստոսի 30։

Ճապոնական իմպերիալիզմի նվաճողական ծրագիրը և համաշխարհային տիրապետության ձգտելու ցնորամիտ, օրծաղելի հավակնություններն ավելի բացահայտ լկտիությունամբ ձևակերպեց Տանական 1927 թվականին հրապարակ բերված իր «Մեմորանդում»-ի մեջ: Այդ ժամանակ ճապոնական պրեմիեր-մինիստր գեներալ Տանական ճապոնական կայսրին ուղղած «Մեմորանդում»-ի մեջ գրում էր.

«Աստվածային կանխատեսությունն ուղղում է, որպեսզի ես օգնեմ ձեր գերազանցությանը, Հեռավոր Արևելքում բաց անելու նոր դարաշրջան և ծավալելու ցամաքային նոր կայսրություն... որպեսզի գրավենք Չինաստանը, մենք պետք է նախ և առաջ գրավենք Մանջուրիան և Մոնղոլիան. որպեսզի գրավենք ամբողջ աշխարհը, մենք պետք է նախ և առաջ գրավենք Չինաստանը... Մեր տրամադրության տակ ունենալով Չինաստանի բոլոր ռեսուրսները, մենք կանցնենք Հնդկաստանի, Արշիպելագի, Փոքր Ասիայի, Կենտրոնական Ասիայի և Նույնիսկ Եվրոպայի գրավմանը»:

Մեկ անգամ չէ, որ ճապոնական իմպերիալիստները փորձել են կատարել սամուրայների տյոդ ավազակային ծրագրերը:

Այդ նրանք, ճապոնական սամուրայները 1918 թվականին ամերիկյան և անգլո-ֆրանսիական իմպերիալիստների հետ դեսանտ հանեցին Սովետական Ռուսաստանի Հեռավոր-Արևելյան երկրամասը, օկուպացրին այն և բռնությունների ու գաղանային ոճրագործությունների ռեժիմ էին կիրառում Հեռավոր Արևելքում:

Ճապոնական զավթիչները 1918 թ. 70 հազար զորք մտցրին Ռուսաստանի տերիտորիան, գնդակահարում էին հազարավոր բանվորների ու գյուղացիների, կողոպտում էին ոռոգ ժողովրդին¹ Ճապոնական բարբարոսները ձերբակալեցին ոռոգ ժողովրդի անվեհեր զավակ Սերգեյ Լադոյին, կենդանի նրան շղթայակապ նետեցին շոգեքարշի հնոցը և այրեցին²:

Ճապոնական զավթիչները 1938 թվին հարձակվեցին մեր երկրի վրա Քասան լճի շրջանում, իսկ մեկ տարի հետո կրկնեցին նույնպիսի ավազակային հարձակում Մոնղոլական Ժողովրդական Ռեսպուբլիկայի և ՍՍՌՄ-ի սահմանների վրա Քալխին Գյոլ գետի ափին:

Ճապոնական զավթիչները ջախջախվեցին Սովետական Բանակի հարվածների տակ և ետ շարտվեցին մեր Հայրենիքի սահմաններից: Ինչպես քաղաքացիական պատերազմի տարիներին, նաև 1938—1939 թվականներին Սովետական Բանակը լավ դաս տվեց «աշխարհը նվաճելու» հավակնություն ունեցող ճապոնական սամուրայներին, սակայն, ինչպես ցույց տվեց պատմությունը, իմպերիալիստական Ճապոնիայի կառավարողները չէին հրաժարվել իրենց հանցագործ մտադրություններից:

Երբ հիտլերյան զորքերը ներխուժեցին Սովետական Միության տերիտորիան, ճապոնական իմպերիալիստական կառավարությունը երկրում հայտարարեց մորիլիզացիա և ամենաընտիր զորքերը մոտեցրեց սովետական սահմաններին: Սամուրայներն օրեցօր սպասում էին Ստալինգրադի անկմանը, որպեսզի ներխուժեն սովետական Հեռավոր Արևելքը և մասնատեն մեր երկիրը:

¹ Документ по истории гражданской войны в СССР, т. I, стр. 189—190. ОГИЗ, 1940 год.

² «Сергей Лазо», Воспоминания и документы. ОГИЗ, 1938 год.

Ստալինգրադի տակ ֆաշիստական բանակը ջախջախվեց, ճապոնական իմպերիալիստների ծրագրերը տապալվեցին։ Սամուրայները ուսկ չարեցին հարձակվել Սովետական Միության վրա։ Բայց ճապոնացիները սովետական սահմանների մոտ երբեք չդադարեցրին թշնամական, պրովոկացիոն գործողությունները։

Սովետական կառավարությունը, հաշվի առնելով մեր երկրի Հեռավոր-Արևելյան սահմաններին սպառնացող ճապոնական վտանգը, այդ սահմանները պահպանելու համար ստիպված էր այնտեղ պահել մեծ քանակությամբ ռազմական ուժեր, որպիսի զրույթյունը խիստ օգտակար և ձեռնտու էր Հիտլերին։ Այսպիսով, օգնելով իրենց դաշնակից հիտլերյան զավթիչներին, այնուամենայնիվ ճապոնական ռազմամուլները պատրաստվում էին հարմար առիթով հարձակվել Սովետական Միության վրա։

Սովետական Բանակը, ջախջախելով հիտլերյան Գերմանիային և ֆաշիստական զավթիչներին ծունկի բերելով, հարվածն ուղղեց ճապոնական իմպերիալիստներին։ Հարկավոր էր լիկվիդացնել ճապոնական իմպերիալիզմի հարձակման վտանգը դեպի սովետական Հեռավոր Արևելք, դեպի մեր դաշնակից Մոնղոլական Ժողովրդական Ռեսպուբլիկան, օգնել չինական մեծ ժողովրդին և կորեացիներին, նրանց օգնել ազատագրվելու ճապոնական իմպերիալիստների գաղութացման ծանր լծից։

Սովետական Բանակը ղենքը շուռ տվեց ընդդեմ ճապոնական ռազմամուլների և սկսեց իր ազատագրական արշավը դեպի Մանջուրիա, Կորեա և Չինաստան։ Սովետական Բանակը օգնության ձեռք մեկնեց չինական մեծ ժողովրդին, որը դարեր շարունակ անհամար տանջանքների, ճնշման ու շահագործման էր ենթարկվում իմպերիալիստ-գաղութարարների լծի տակ։ Եկավ Չինաստանի բազմամիլիոն ժողովրդին իմպերիալիստական զավթիչների լծից ազատագրելու բաղձալի ժամը։

Սովետական Բանակի հարձակումը ճապոնական սամուրայների դեմ ազատագրական մեծ նշանակություն ունեւ նաև հենց իրենց, ճապոնացի աշխատավորների համար, որոնք հեծում էին շահագործողների ֆաշիստական ռեժիմի պայմաններում։ Ծապոնիայի բանվորների և գյուղացիների ռեզիստանսը շարժումը ճնշվում էր երկրի ռազմամուլ կառավարողների ու ռոստիկանական տեղորի միջոցով, իսկ ճապոնական ժողովրդի ազատագրական ղեմավարական ձգտումների համար պայքարող մարտիկներին բախտ էր վիճակվում բանտային խցիկները, աքսորը, տաժանակրությունն ու կախաղանը։ Հետևաբար, ճապոնական իմպերիալիստական կառավարության և բանակի ջախջախումով Սովետական Բանակն ազատագրական պատմական մեծ գործ էր կատարում ոչ միայն Ծապոնիայի կողմից զավթված կորեական, մանջուրական և չինական բազմամիլիոն ժողովուրդների համար, այլ և հենց իրենց՝ ճապոնացի աշխատավորների համար։

* * *

1945 թ. օգոստոսի 8-ին ՍՍՌՄ-ի Արտաքին Դործերի Ժողովրդական կոմիտար ընկեր Վ. Մ. Մոլոտովը հայտարարություն արեց ճապոնական կառավարության Մոսկվայի դեսպանին, որ Սովետական կառավարությունը որոշել է օգոստոսի 9-ից պատերազմ հայտարարել Ծապոնիային։ Այդ հայտարարության մեջ հատուկ կերպով հիմնավորված և շարադրված էին

այն բոլոր պատճառները, որոնց հիման վրա Սովետական կառավարությունն ընդունել էր այդ որոշումը:

Սովետական Միության զինված ուժերի Գերագույն Գլխավոր Հրամանատար Գեներալիսոմոուս Ստալինի հրամանով Հեռավոր Արևելքում սովետական զորքերը անցան հարձակման և կործանիչ հարված հասցրին թշնամուն:

Արևելքում սովետական զորքերի ընդհանուր հրամանատարն էր ստալինյան փորձված զորավար-մարշալ Վասիլևսկին: Հարձակումը դնում էր երեք գլխավոր ուղղություններով — Անդրբայկալյան, 1-ին Հեռավոր-Արևելյան, 2-րդ Հեռավոր-Արևելյան ռազմաճակատների զործողություններով: Ծովից թշնամուն հարվածում էին խաղաղ օվկիանոսյան նավատորմի և Ամուրի նավատորմի ռազմանավերը: Ծալոնական իմպերիալիստների դեմ մղվող պատերազմին մասնակցում էին Մոնղոլական Ժողովրդական Ռեսպուբլիկայի զորքերը մարշալ Զոյրալսանի հրամանատարությամբ:

Սովետական զորքերը, կտրելով մանջուրական սահմանը, օգոստոսի 9-ին ճեղքեցին ճապոնացիների ամրությունները և օրվա ընթացքում առաջ շարժվեցին 15—25 կիլոմետր: Մերձծովյան շրջանում սահմանն առաջինն անցավ մայր Գլադունովի ղումարտակը և հարված հասցրեց թշնամու «Վերբլյուդ» բարձունքի պաշտպանական հենակետին: Օրվա վերջում սովետական զինվորները արդեն մարտեր էին մղում Պոդրանիչնայա քաղաքի փողոցներում: Մայր Զանկեիչի, կապիտան Վոլկովի և Կոմարովի ստորաբաժանումները հաջողությամբ անցնելով ականապատված դաշտով, թեանցում էին թշնամու ուժեղ ամրացված կրակակետերը և շրջապատման մեջ առնելով դրանց ոչնչացնում:

Սովետական զորամասերը հարձակվում էին բնական դժվարին պայմաններում: Նրանց առջև փոխված էին մանջուրական վայրի տայգան, Տայպինլինի լեռնանցքը, որի երկարությունը հասնում է մինչև հազարավոր կիլոմետրերի, ճահիճներ, գետեր: Բոլոր հնարավոր անցուղիները պատված էին ականներով, իսկ ԻՕՏ-երից կրակում էին զենքի բոլոր տեսակները: Բայց այդ արգելքները չկարողացան կանգնեցնել սովետական զորամասերի հարձակումը:

Հեռավոր-Արևելյան 1-ին ռազմաճակատի զորքերը մարշալ Մերեցկովի գլխավորությամբ ճեղքեցին թշնամու պաշտպանությունը Տայպինլինի լեռնանցքում: Կապիտան Ադանովի տանկային ղումարտակը մարտերի 10 օրվա ընթացքում կտրեց և անցավ 650 կիլոմետր տերիտորիա: Սպաներ Ադանովի, Տարասենկոյի և Բարանովի տանկային ստորաբաժանումները Մանջուրիայում ոչնչացրին ճապոնական հետևակի երկու գունդ, գերի վերցրին մի զիվիդիայի ամրոց շտաբը և ռազմաավար:

Անդրբայկալյան ռազմաճակատների զորքերի առջև փոխված էին մոնղոլական անապատները և ապա Մեծ Խինգանի վայրի լեռները: Մարշալ Մալինովսկու հրամանատարությամբ սովետական զորքերը, հաղթահարելով բնական դժվարությունները և ջախջախելով ճապոնական բանակի կառուցած դիմադրության հենակետերը, առաջին երկու օրում կտրեցին և անցան 40—45 կիլոմետր տարածություն, իսկ օգոստոսի 11-ի օրվա ընթացքում Մեծ Խինգանի լեռնանցքն անցնելուց հետո առաջ շարժվեցին մինչև 80 կիլոմետր:

Այստեղ պետք է հիշել Սովետական Նշանավոր խոսքերը. «Որտեղով կանցնի եղնիկը, այնտեղով կանցնի նաև ոռոս զինվորը, իսկ որտեղով չի կարող անցնել եղնիկը, այնտեղով էլ կանցնի ոռոս զինվորը»¹

Հարձակման առաջին և երկրորդ օրերում սովետական խաղաղ օվկիանոսյան ռազմա-ծովային նավատորմը ծովակալ Յուդաչևի հրամանատարությամբ զբաղվում էր Կորեայի, Հարավային Սախալինի ափերի և Կուրիլյան կղզիների վրա։ Հանկարծակի զրոհող ծովային հետևակի ղեկավարները զորամասերը, ջախջախելով ճապոնական զավթիչներին, վրեժ լուծեցին Լադոյի համար, ծովակալ Մակարովի համար, Յուսիմայի և Պորտ-Արտուրի համար։

Ճապոնական իմպերիալիստների բանակները ջախջախելու համար ծավալվող մարտերում սովետական զինվորները ամեն օր, ռազմաճակատի բոլոր հատվածներում, զորքի բոլոր տեսակների մեջ կատարում էին նորանոր հերոսական սխրագործություններ։ Հիշենք օգաչու Միխայիլ Յանկոյին։ Այդ քաջսրի ռազմիկը առաջագրանք ստացավ զբոհել թշնամու նավահանգիստը Կորեայում։ Թշնամու արկը դիպավ նրա ինքնաթիռին և մեքենան սկսեց վառվել։ Յանկուն չկորցրեց իրեն։ Նա, կրկնելով կապիտան Դաստևլյույի սխրագործությունը, վառվող ինքնաթիռը ոռոմբերի բեռով ուղղեց հակառակորդի զորքի մեծ խմբի վրա, ոչնչացնելով թշնամու շատ զինվորներ։ Եվ քանի քանիսը Յանկոյի նման դնում էին անձնագոյուլթյան, կատարում էին հրամանը և ջախջախում թշնամուն։

Սովետական զորքերի մի քանի օրում հասցրած հարվածները խորտակեցին սամուրայների պաշտպանությունը բոլոր բնագծերը և զիմադրություն հանգուցյեցները։ Թշնամին պարտություն մատնվեց։ 1945 թ. օգոստոսի 23-ին Դեբրագույն Գլխավոր Հրամանատար Ի. Վ. Ստալինը հրատարակեց պատմական մի հրաման, որում ամփոփված են Սովետական Բանակի մղած մարտերը ճապոնական իմպերիալիզմի դեմ։ Այդ հրամանում ասված է.

«Անդրբայկալյան, Հեռավոր-Արևելյան 1-ին և Հեռավոր-Արևելյան 2-րդ ռազմաճակատների զորքերը, խաղաղ օվկիանոսյան նավատորմի ռազմանավերն ու զորամասերն օգոստոսի 9-ին սկսեցին մարտական գործողություններ ճապոնական զորքերի դեմ Հեռավոր Արևելքում։ Հրետանային հուժկու կրակի և ավիացիայի հարվածների աջակցությամբ մեր զորքերը ճեղքեցին հակառակորդի երկարատև, խորը էշելոնացված պաշտպանությունը Մանջուրիայի սահմաններում, անցան Մեծ Խինգան լեռնաշղթան, Ամուր, Ուսսուրի գետերը և, դարձադնելով սրընթաց հարձակումը դեպի Մանջուրիայի խորքը, առաջ շարժվեցին 500-ից մինչև 950 կիլոմետր, դրավեցին ամբողջ Մանջուրիան, Հարավային Սախալինը և Սյուլյուսյու ու Պարամուշիր կղզիները՝ Կուրիլյան կղզիների խմբից։ Ճապոնական Կվանտունյան բանակը անհաջող հակազորոններից հետո դադարեցրեց զիմադրությունը, ղենքը վար դրեց և հանձնվեց մեր զորքերին»։

Սովետական Բանակը կատարում էր իր ազատագրական միսիան Արևելքում։ Մանջուրական, կորեական և չինական ամեն մի քաղաք ու

¹ Кирил Пигарев, Солдат-полководец, стр. 32, 1944 г., Москва.

² Դեբրագույն Գլխավոր Հրամանատարի № 372 հրամանը, 1945 թ. «Правда» 24 օգոստոսի։

զյուզ մտնելիս սովետական զինվորներին զիմավորում էին տանջված ու հալածված աշխատավորները: Նրանք առաջին անգամ էին տեսնում իսկական ազատարար ժողովրդական բանակի զինվորներին, որոնք եկել էին Սովետական Միությունից օգնելու, ազատագրելու իրենց չին, կորեացի եղբայրներին:

Բոլոր օտար պետությունների իմպերիալիստ-զաղութարարները, որոնք մուտք էին գործել այդ երկիրը, սկսած ցարական քարղարարներից մինչև ճապոնական զավթիչները, անգլիական զաղութարարներն ու ամերիկյան զանգստներները նպատակ ունեին ստրկացնել բազմամիլիոն չին ժողովրդին, զաղութացնել նրա երկիրը, կողոպտել հարստությունները: Գոմինգանական զավաճաններն էլ ծառայում էին անգլո-ամերիկյան իմպերիալիստներին և նրանց ծախում իրենց երկիրը:

Հանձինս սովետական զինված ուժերի չինացիները և կորեացիները տեսան իրենց ազատարարներին, որոնք զնացել էին ջախջախելու ճապոնական զավթիչներին, ոչնչացնելու նրանց, ովքեր տանջում էին ժողովուրդներին, զնացել էին նոր ուժ հաղորդելու պայքարող չին ժողովրդին, որ նա տապալի իր ուսերին դրված լուծը, դուրս գա դեմոկրատիայի և սոցիալիզմի ուղին, ազատ կյանքի ուղին:

Սովետական ռազմիկները պատմում էին, թե ինչպես էին չինացի մայրերն ու բախտը պան արտասուքներն այտերին զիմավորում իրենց, ինչպես էին ողջունում ազատարար բանակի զինվորներին: Նրանք իրենց ազգային սովորություններին և առանձնահատկություններին համապատասխան ցերեմոնիաներ էին կատարում, իրենց երախտագիտությունը հանդես բերում դեպի Սովետական Բանակը:

Պատմենք մի փաստ:

Ձիների մեջ հնուց տարածված էին շատ առասպելներ և ժողովրդական ավանդություններ: Դրանցից մեկը վերաբերում է «Ժեկ-Շոն»-ին: «Ժեկ-Շոն»-ը մի հազվագյուտ բույս է, որը խորը արմատներ է զցում հողի մեջ: Ձիների այդ «Ժեկ-Շոն»-ը նշանակում է «կյանքի արմատը»: Նա, ով գտնում է «Ժեկ-Շոն» («կյանքի արմատը»), նրան ժպտում է կյանքը, բախտավորությունը, ազատությունը:

Ձինացին «Ժեկ-Շոն»-ը կարող է նվիրել միայն ամենանվիրական մարդուն, իրեն համար ամենամեծ բարություն կատարողին, իրեն թշնամուց փրկողին և ազատ կյանք պարգևողին, որպեսզի նրանց միջև լինի հավիտենական բարեկամություն, որի վրա և զարգանա ազատ, երջանիկ կյանքը:

Ձին կանայք Սովետական Բանակի շատ զինվորներին, սպաններին, գնեկալներին նվիրաբերում էին «Ժեկ-Շոն»-ը, «կյանքի արմատը»: Ինչպես մոր նվիրաբերությունն է սովետական զինվորին, ոուս զինվորներին, որպես երախտագիտության նշան:¹

1940 թվականի օգոստոսի 23-ին մեր Հայրենիքի մայրաքաղաք Մոսկվան 324 թնդանոթներից 24 համադարկով ողջունեց Հեռավոր-Արևելյան սովետական փառապանծ զորքերին, որոնք պատմական մեծ հաղթա-

¹ Մոսկվայում Սովետական Բանակի կենտրոնական տան թանգարանի մեծ սրահում դրված ստենդները:

նակ էին նվաճել ճապոնական իմպերիալիզմի դեմ: ՍՍՌՄ Գերադույն Սովետի Նախագահությունը հաստատեց նոր կառավարական պարզե—սճապոնիայի դեմ հաղթանակի համար՝ մեղալ, որով պարզեատրվեցին ճապոնական իմպերիալիզմի ջախջախման համար մղված մարտերին մասնակցող ռազմիկները:

* * *

Ճապոնական իմպերիալիստների դեմ մղված մարտերում Սովետական Բանակի զորամասերի կազմում ռուսների և սովետական մյուս ժողովուրդների զավակների հետ միասին իրենց մասնակցությունն ունենալու նաև հայ ռազմիկները: Գարելի է բերել ռազմաճակատների տարրեր հատվածներից, զորքի տարրեր տեսակներից և ծառայության բոլոր աստիճաններից օրինակներ այն մասին, որ հայ ժողովրդի զավակներն ինչպես Հայրենական մեծ պատերազմի՝ բոլոր էտապներում, այնպես էլ Հեռավոր Արևելքում մղված մարտերում ակտիվորեն մասնակցում էին թշնամու դեմ մղվող կռիվներին:

Հայրենիքից հեռու, մանջուրական տափաստաններում կամ Մեծ Խինգանի լեռնանցքներում, ինչպես եղբայրական մյուս ժողովուրդների զավակները, նաև հայ ռազմիկները կռիվներին մասնակցում էին նույնպիսի արիության և քաջության, ինչպես Ստալինգրադի մոտ և Լրիմում, Ուկրաինայում և Բելոռուսիայում: ամեն մի ռազմիկ լավ էր գիտակցում, որ այդ արդարացի պատերազմը մղվում էր մեր Սովետական Հայրենիքի ոխերիմ թշնամի ճապոնական զավթիչների դեմ: Արևելքում թշնամու ջախջախման համար հարկավոր էր ուժերի լարում, անձնազոհություն, վճռականություն, անվահերություն:

Կպատմենք մի քանի էպիզոդներ առանձին զինվորների և սպաների կյանքից, նրանց մարտական գործերից, որով այդ ռազմիկները մասնակից դարձան ճապոնական իմպերիալիզմի դեմ մղվող կռիվներին:

Հիշենք Սովետական Միության Հերոս, հրետանու գեներալ-լեյտենանտ Բարսեղովին, սպիտակ Ֆինների դեմ մղվող մարտերի հերոսներից և Մոսկվայի պաշտպանության ժամանակ աչքի ընկած քաջարի հրամանատարներից մեկին: Բարսեղովը հանդիսանում էր հրետանային խոշոր միավորումների հրամանատար: Երկար ժամանակ նա իրեն ենթակա հրետանային զորամասերը նախապատրաստում էր թշնամուն հարված հասցնելու համար: Եկավ և այդ օրը, 1945 թվականի օգոստոսի 9-ը: Ռազմաճակատի մյուս հրետանային միավորումների հետ միասին, Գերադույն Հրամանատարի հրամանով, հարձակման անցան նաև այն հրետանային զորամասերը, որոնց գործողություններին ղակավար մասնակցություն էր ունենում գեներալ Բարսեղովը:

Փորձված քաջարի հրետանային գեներալը իրեն ենթակա զորամասերի գործողությունները ղեկավարում էր հմտորեն, հաջողությամբ իրականացնելով բարձր հրամանատարության առաջադրանքները: Ճապոնական զավթիչների դեմ ձեռնարկած հարձակման առաջին օրվանից մինչև թշնամու լիակատար պարտության օրը Բարսեղովը մարտերի մեջ էր, իր հրետանավորների հետ միասին: Բարսեղովի կատարած աչքի ընկնող գործողությունների մասին և նրա ղեկավարությամբ գործող հրետանավորների

քաջագործությունները նշված են ընկեր Ստալինի պատմական հրամանում:¹

Ռազմաճակատի մի այլ հատվածում մղվող մարտերին մասնակցում էր գեներալ-մայոր Անդրանիկ Ղազարյանը, Դնեպրի հերոսներից մեկը: Նրա ղեկավարած զորամասերը հմտորեն կատարել էին իրենց տրված առաջադրանքները գերմանական ֆաշիստների դեմ մղվող մարտերում: Հեռավոր Արևելքում Ղազարյանը մարտերում գործադրում էր տարիների կուտակած փորձը և տակտիկական պրիոմները, հասնելով հաջողությունների: Անդրանիկ Ղազարյանը իր մասնակցած մարտերի մասին զրել է հետևյալը.

«Կնիշևում Մոնղոն-Դղյան քաղաքի համար մղված մարտերը: Ճապոնացիներն ուղղում էին կաղմակերպել այդ քաղաքի պաշտպանությունը: Դրա համար նրանք քանդել, կործանել էին բոլոր կամուրջները, դրավել էին բոլոր իշխող շենքերը, փորել, կառուցել էին խրամատներ, դիրքեր, սակայն այդ բոլորն անկարող եղան կանգնեցնելու մեր զորքերի առաջ շարժումը: Ճապոնացիների առաջին փորձը՝ կաղմակերպված մարտ մղելու և քաղաքը պաշտպանելու համար ջախջախվեց մեր զորքերի կողմից. հատկապես հրետանին և ավիացիան ճապոնացիների զորքերի վրա այնպիսի ուժի կրակ թափեցին, որ հազիվ թե նրանցից կենդանի մարդիկ մնացին»:²

Այսպիսով, ինչպես մյուս միավորումների, նաև Ղազարյանի ղեկավարած զորամասերի հարձակման հատվածում ճապոնացիները, ամրանալով քաղաքում ու բնակավայրերում, ճիգեր էին թափում պաշտպանել իրենց դիրքերը և փակել սովետական զորամասերի ճանապարհը, սակայն սովետական զորամասերի կրակային հզոր հարվածները, ռազմա-տակտիկական բարձր արվեստը քայքայում էին թշնամու պաշտպանությունը և խախտում նրա բոլոր պլանները:

Կռեքներ ևս մեկ էպիզոդ Սովետական Միության հերոս Անդրանիկ Ղազարյանի հրամանատարական-մարտական գործունեությունից:

Մարտերը մղվում էին Մուլին քաղաքի շրջանում: Մուլինը չինական հնադույն քաղաքներից է, որը հարմար դիրքեր ունի պաշտպանվելու համար: Հրամանատար Անդրանիկ Ղազարյանի զորամասերը երբ հասան Մուլինի հեռավոր մատույցներին, նա հետախույզների մի խումբ ուղարկեց քաղաքը հետախույզելու, թշնամու պաշտպանության վերաբերյալ տեղեկություններ հազորդելու մասին, մինչև միավորման զորամասերը կմոտենային հարձակման համար: Հետախույզների խումբը երբ մոտեցավ քաղաքին, թշնամին կատաղի կրակ բաց արեց սովետական ռազմիկների վրա: Պարզ դարձավ, որ Մուլինը պաշտպանող ճապոնական կայազորը ամրացել է նախօրոք պատրաստված դիրքերում և ամուր կերպով պաշտպանում է զրանք:

Անդրանիկ Ղազարյանը գրոհող ստորաբաժանումների խմբի և ինքնընթաց հրանոթի ուղեկցությամբ առաջ գնաց և թշնամու դիրքերի միջով թափանցեց քաղաքի թաղերը: Սկսվեց լարված կռիվ Ղազարյանի կողմից անձամբ ղեկավարվող գրոհող խմբի և ճապոնական զորամասի միջև քա-

¹ Դեբադույն Իլիավոր Հրամանատարի № 372 հրամանը, 1943 թ. 23-ր. օգոստոսի, «Պրավդա» 24 օգոստոսի, 1943 թ.:

² ՀՊՊԿ-ի արխիվ, գործ 117:

դաքի մեջ, Վեյ ժամ մղվող մարտերի ընթացքում գրոհողները թշնամունդուրս էին մղում զիրքերից և գրավում նոր փողոցներ, շենքեր, ամրոց թաղեր: Գրոհող խումբը շարունակում էր մարտերը, երբ հետևից հասան միավորման մյուս զորամասերը և իրենց կրակային ամրոց ուժով ճակատից և թեքերից սրընթաց հարձակման անցան թշնամու զիրքերի վրա: Հակառակորդի ուժերը ջախջախվեցին կամ զերվեցին, և Մուլինը ազատագրվեց:¹

Գնեներալ-մայոր Անդրանիկ Ղազարյանը մասնակցել է նաև Մունդունձին, Դուխուա, Ջիախե, Դիրին քաղաքների և բաղամախիվ բնակավայրերի ազատագրման ժամանակ մղված մարտերին: Նրա ղեկավարած միավորման ռազմիկների հանդես բերած արիությունը և ռազմական հմտությունը նշված են Գերազույն Գլխավոր Հրամանատարի հրամանումում:

Նույն միավորման զորամասերից մեկում սրպես հրետանու պետ ծառայում էր սպա Արամ Մկրտչյանը: Երբ զորամասի առջև խնդիր դրվեց հարձակման անցնել ճապոնական զորամասերի պաշտպանությունից զրկել հենց սահմանի մոտ, զորամասում առաջինը պետք է դործեր հրետանին: Մկրտչյանը աւրոջ գիշերը անցնում էր մարտկոցից-մարտկոց, ստուգում թնդանոթների վիճակը, ռազմամթերքը, հաշվարկներին հանձնարարություններ էր տալիս, նախապատրաստվում: Լուսադեմին հրետանային զարկերը ազդարարեցին հարձակման մասին: Սովետական հրետանավորներն ուղիղ հարվածներով ճնշում էին թշնամու կրակակետերը և ավերելով նրա զիմադրություն հանդույցները, ճանապարհ էին բաց անում հետևակի համար:

«Սահմանն անցնելիս իմ հրետանավորները ոչնչացրին մեր հետևակին խանգարող կրակակետերը,—պատմում է Արամ Մկրտչյանը,—հարձակվում էինք լեռնոտ տեղանքում և ճահիճներով: Թնդանոթներն առաջ տանելու համար չկային հարմար ճանապարհներ: Սակայն մարտիկները հաղթահարում էին բոլոր արգելքները և թնդանոթներն առաջ էին տանում ճահիճների կամ լեռների միջով: Ոչ մի օր հրետանավորները կանգ չառան և հետևակից հետ չմնացին»:²

Մանջուրիայում մղված կռիվների մեջ ակտիվ մասնակցություն ունենալու համար հրետանային սպա Արամ Մկրտչյանին ներկայացրին կառավարական պարգևի՝ Ալեքսանդր Նևսկու շքանշանի:³

Մեկ ուրիշ սպա, Սերյոժա Էյլարյանը իր մարտական ընկերների հետ Արևելյան Պրուսիայում մղած մարտերն ավարտելուց հետո մեկնեց Անդրբայկալյան ռազմաճակատը: Այնտեղ նա ողու զինվորների հետ մտավ Տանան և Չանդոն քաղաքները, տեսավ մանջուրական գյուղերը, կուլիների չարքաշ կյանքը: Չորամասերն առաջ էին գնում: Մարտերը փոխադրվեցին Պարրինի շրջանը: Քաղաքը գրոհող ռազմախիվ ստորաբաժանումներից մեկի կազմում կռիվներին մասնակցում էր նաև Սերյոժան: Այստեղ հրամանատարությունը նրա մարտական ծառայությունները նշում է կառավարական նոր պարգևով: Սերյոժա Էյլարյանն ստանում է Գերազույն

¹ ՀՊՊԿ-ի արխիվ, գործ 117:

² Գերազույն Գլխավոր Հրամանատարի № 372 հրամանը 1945 թ. օգոստոսի 23:

³ ՀՊՊԿ-ի արխիվ, գործ 177:

⁴ Նույն տեղում:

Գլխավոր Հրամանատարի 7-րդ շնորհակալագիրը և «Ճառոնիայի գեմ հաղթանակի համար» մեդալ:¹

Մեծ Խինգանի լեռնաշղթան անցնող սովետական զինվորների մեջ էր նաև Տրդատ Պողոսի Խրաշյանը: Նա մասնակցեց Ցիցկասի, Մուկղին, Դայթին, Խալար և ուրիշ քաղաքների զրավման համար տեղի ունեցած կռիվներին:²

Մեծ Խինգանի լեռնաշղթան անցնելիս և հատկապես Խալնարշանյան պաշտպանական շրջանում մղվող կռիվների ժամանակ մարտական նոր սխրագործություններ կատարեց Զավեն Հովհաննիսյանը: Այդ երիտասարդ ռազմիկը գեո նոր էր ապաքինվել ստացած վերքից, երբ զորամասը խնդիր ստացավ մեկնել Հեռավոր Արևելք: Զինայելով իր ուժերը, Զավեն Խալար կայարանը զրավելու ժամանակ զրոհիչ խմբերից մեկի կազմում առաջինների հետ գնում էր մարտի, ավտոմատով և նռնակներով հարվածելով թշնամուն: Այդ կայարանի զրավման ժամանակ աչքի ընկնելու համար Զավեն Հովհաննիսյանը պարզեցատրվեց Կարմիր Աստղի շքանշանով: Զավենին վիճակից մասնակից լինել նաև Պորտ-Արտուրի ազատագրման համար մղված կռիվներին:³ Հակառակորդի ջախջախումից հետո, իր մարտական ծառայությունը կատարելու պահին Հովհաննիսյանը ենթարկվեց անկյունից դարանակալած թշնամու հարձակմանը և ծանր վիրավորվեց:⁴

Հեռավոր-Արևելյան 1-ին ռազմաճակատի զորքերի մարտակարգերում կռվող միավորումներից մեկի հրամանատար զնդապետ Բազրատ Միտոյանին մենք առաջին անգամ հանդիպեցինք 1943 թվականին, Արարատյան դաշտում պահեստային զորամասերի ռազմական ուսուցման ժամանակ: Նա զգոհում էր իր վիճակից, որ ռազմաճակատում չէր, պայմանական «հակառակորդի» վրա էր զգրոհում: «Ճանձրալի է,— զանգատվում էր Միտոյանը,— սպասել, թե երբ կհասնի հերթը»:

Ելուտով հերթը հասավ: Միտոյանը մեկնեց ռազմաճակատ և նրա գեկավարած զորամասերը Ուկրաինական 4-րդ ռազմաճակատի զորքերի կազմում անցնում են Կարպատները, մասնակցելով չեխոսլովակյան մի քանի քաղաքների ազատագրման համար մղված մարտերին: Դնդապետ Միտոյանի զորամասերի հմուտ գործողությունների մասին շնչվեց Գերագույն Գլխավոր Հրամանատարի հրամանում: Մայիսի 9—10-ին, ֆաշիստական Դերմանիայի կապիտուլացիայից հետ էլ Միտոյանի զորամասերին վիճակից մարտեր մղել Չեխոսլովակիայում գեոես զիմադրող ֆաշիստական զավթիչների դեմ, հաջողությամբ կատարելով ճակատի հրամանատարությունն առաջադրանքը:

Այնուհետև Միտոյանը մեկնում է Հեռավոր Արևելք: Այնտեղ Միտոյանի զորամասերը ճակատի զորքերի հետ հարձակման անցան և մասնակից դարձան ճապոնական զավթիչների դեմ մղվող կռիվներին: Կարպատներում ձեռք բերած վերջին օգնում էր Միտոյանին հմտորեն գեկավարել

¹ ՀՊՊԿ-ի արխիվ, տեա Ս. Էյլարյանի գործը:

² ՀՊՊԿ-ի արխիվ, գործ № 93:

³ ՀՊՊԿ-ի արխիվ, գործ № 49:

⁴ Նույն տեղում:

⁵ Գերագույն Գլխավոր Հրամանատարի № 359 հրամանը, 30 ապրիլի, 1943 թ.:

ստորաբաժանումների օպերատիվ գործողությունները, կատարելու իրեն տրված առաջադրանքները:

Ճապոնական զավթիչների կապիտուլացիայից հետո Միտոյանի դորամասերը փոխադրվեցին Չուկոտյան թերակղզին: Այստեղ Միտոյանը ընտելացավ մեր Հայրենիքի Հյուսիս-Արևելյան ծայրամասի ցրտաշունչ կլիմային և պատվով կատարում էր իր ծառայությունը:¹

Ճապոնական զավթիչների ջախջախման համար մղված մարտերում աչքի ընկած սպաների շարքում ընկեր Ստալինի հրամանում հիշատակված են նաև զնդապետ Օգանեզովի, զնդապետ Հայրապետյանի և զնդապետ Հարությունյանի անունները: Օգանեզովը իր հետեակայինների հետ միասին, Հայրապետյանը և Հարությունյանը իրենց հրետանավորների հետ միասին Հեռավոր Արևելքում մղվող մարտերում պատվով կատարեցին իրենց առաջադրված խնդիրները և արժանացան Գերագույն Գլխավոր Հրամանատար Ի. Վ. Ստալինի շնորհակալությունը:²

* * *

Այսպիսով, Հեռավոր Արևելքում գործող զորքերի բոլոր տեսակների մեջ, ծառայության տարբեր աստիճաններում Հայաստանի զավակները ակտիվորեն մասնակցեցին ճապոնական իմպերիալիստների դեմ մղվող կռիվներին: Հայ ռազմիկները ռուսներից և սովետական մյուս եղբայրական ժողովուրդների զավակներից անբաժան էին Մեծ Խինգանի լեռներում, մանջուրական անապատներում, չինական բազմամարդ քաղաքների փողոցներում մղված մարտերի մեջ:

Բուլշևիկյան սլավոնիայի կողմից դաստիարակված սովետական բազմազգ զինվորներից ամեն մեկը ձգտում էր նոր, առավել աչքի ընկնող սխրագործություններ կատարել, հարստացնել սովետական զենքի փառքը, բարձրացնել իր ժողովրդի պատիվը:

Հայ զենեակները, սպաները և զինվորներն այդ պայքարի բոլոր էտապներում գտնվեցին սովետական զինվորի բարձրության վրա և արժանի եղան իրենց կոչմանը: Նրանք իրենց մարտական եղբայրների հետ միասին ճապոնական իմպերիալիզմի դեմ մղվող մարտերին մասնակցեցին նույնպիսի արիությունով, քաջությամբ և ռազմական հմտությամբ, ինչպես գերմանա-ֆաշիստական զավթիչների դեմ մղվող մարտերում:

Ар. Мнацаканян

Бои Советской Армии против японских захватчиков и участие воинов-армян в этих боях

Р е з ю м е

Империалистическая Япония была злейшим врагом народов Советского Союза и всего прогрессивного человечества.

Идеология японских империалистов—это идеология самураев. Япон-

¹ ՀՊՊԿ-ի արխիվ, գործ № 87:

² Գերագույն Գլխավոր Հրամանատարի № 372 հրամանը, 23 օգոստոսի, 1945 թ.:

ские самураи проповедовали, что японцы призваны господствовать над народами всего мира.

Руководствуясь этими бредовыми «идеями», японские милитаристы ставили перед собою цель захватить Китай, Корею, Советский Дальний Восток и Сибирь, а затем весь мир.

В 1904 г. японские милитаристы захватили Южный Сахалин и утвердились на Курильских островах. После установления советской власти японцы не раз нападали на нашу советскую страну с целью расчленения и захвата ее частей.

В годы разбойничьей войны германских фашистов против Советского Союза империалистическая Япония сосредоточила огромные вооруженные силы на советских границах с целью вторжения в нашу страну. Разгромив гитлеровские армии, советские вооруженные силы развеяли в прах сумасбродную программу японских милитаристов.

После разгрома фашистской Германии Советский Союз, приступая к осуществлению своей освободительной миссии в Восточной Азии, повернул оружие против Японии для ликвидации японского империализма.

8-го августа Правительство СССР поставило в известность японское правительство, что Советский Союз с 9-го августа объявляет войну Японии. 9-го августа Советская Армия по приказу Генералиссимуса И. В. Сталина перешла в наступление. Боевыми действиями советских войск на Дальнем Востоке руководил испытанный сталинский полководец маршал А. М. Василевский.

Сокрушительные удары Советской Армии наголову разбили силы квантунской разбойничьей армии. Империалистическая Япония была поставлена на колени.

В рядах Советской Армии, под руководством великого русского народа, в боях против японских захватчиков сражались сыны всех братских народов Советского Союза, проявляя при этом героизм, отвагу, храбрость и самоотверженность.

Воины-армяне, бок о бок с русскими воинами и сынами других братских народов активно участвовали в борьбе против японских империалистов.

В боях отличились: генерал-лейтенант артиллерии М. Барсегов, который умело руководил боевыми действиями вверенных ему артиллерийских частей. Герой Советского Союза генерал майор А. Казарян совместно с русскими боевыми друзьями участвовал в освобождении многих населенных пунктов и городов, проявляя при этом новые примеры личного героизма.

Артиллерийский офицер Арам Мкртчян, офицеры Сережа Эйларян, Трдат Храшян и многие другие за боевые подвиги были награждены боевыми орденами.

Рядовой солдат Завен Оганесян самоотверженно участвовал в боях за освобождение Порт Артура. Успешно выполнил все задания командования полковник Баграт Митоян.

В приказе Верховного Главнокомандующего Генералиссимуса И. В. СТАЛИНА от 23-го августа 1945 г. отмечены отличные действия славных сынов армянского народа полковников Айрапетяна, Оганесяна, Арутюняна, которые с честью выполнили боевые задания командования и удостоились благодарности Великого Сталина.

Таким образом, как на фронте борьбы с немецкими захватчиками, так и в борьбе против японских империалистов сыны армянского народа в боевой дружбе с русскими воинами и сынами других народов СССР проявили образцы героизма и отваги, еще раз показав свою беспредельную преданность социалистической Родине.